

Trosolwg

Mae'r safon hon yn cynnwys paratoi i arwain taith geffylau.

Dylech allu gwirio bod digon o geffylau a harneisiau ar gael, asesu addasrwydd y cleientiaid ar gyfer y gweithgaredd, dyrannu cleientiaid i geffylau ac ymateb i unrhyw broblemau.

Bydd angen i chi fod yn gwbl ymwybodol o bwysigrwydd iechyd a lles anifeiliaid mewn cysylltiad â'r gweithgaredd hwn.

Bydd angen i chi adnabod peryglon ac asesu risg yn y gweithle.

Meini prawf perfformiad

Rhaid i chi allu:

1. dewis a gwisgo'r dillad a'r offer amddiffynnol personol priodol ar gyfer y gweithgaredd
2. paratoi i arwain taith geffylau trwy gadarnhau bod digon o geffylau ar gael gyda harneisiau addas
3. asesu addasrwydd cleientiaid ar gyfer y daith geffylau
4. cynnal briff llawn o'r gweithdrefnau a chadarnhau bod y cleientiaid wedi deall y rhain, yn cynnwys rhagofalon ac offer diogelwch, rheolaeth sylfaenol dros y ceffyl, rheolau'n ymwneud â'u safle yn y llinell, llwybr y daith a gweithdrefnau brys
5. gwirio bod cleientiaid yn gwisgo offer diogelwch, cyn arwain taith geffylau, ac esbonio y dylid gwisgo hwn bob amser.
6. dyrannu ceffyl addas i'r cleientiaid, rhoi cymorth wrth fynd ar gefn y ceffyl ac addasu harneisiau ar gyfer y marchog
7. cadarnhau bod yr holl offer brys priodol ar gael
8. ymateb yn briodol i unrhyw broblemau sy'n codi, o fewn terfynau eich awdurdod
9. monitro a chynnal eich iechyd a'ch diogelwch eich hun ac eraill, a lles y ceffyl, yn ystod y gweithgaredd

Gwybodaeth a dealltwriaeth

Mae angen i chi wybod a deall:

1. sut i ddewis, defnyddio a gofalu am offer amddiffynnol personol
2. y rhesymau dros friffio cleientiaid a gwirio eu dealltwriaeth
3. gweithdrefnau eich sefydliad yn ymwneud â gweithgareddau merlota
4. pam y mae'n bwysig sicrhau bod hetiau diogelwch wedi eu gosod yn gywir a'u bod yn cael eu gwisgo bob amser
5. y rhesymau dros ddweud wrth rywun mewn awdurdod beth yw llwybr y daith
6. sut i sefydlu a chynnal perthynas â chleientiaid
7. sut i asesu addasrwydd cleientiaid ar gyfer y daith geffylau
8. y rhesymau dros ddyrannu cleientiaid i geffylau penodol
9. sut i ymateb i broblemau a therfynau eich awdurdod
10. y gofynion yswiriant ar gyfer gweithgareddau merlota
11. yr offer brys sy'n ofynnol ar gyfer y daith, yn cynnwys pecyn cymorth cyntaf, harneisiau sbâr ac offer cyfathrebu
12. y peryglon i geffylau, i chi eich hun ac eraill a sut y caiff y rhain eu rheoli
13. eich cyfrifoldebau yn unol â deddfwriaeth a chodau ymarfer iechyd a lles anifeiliaid ac iechyd a diogelwch perthnasol

Cwmpas/Ystod

Gweithio gyda'r cleientiaid canlynol:

- oedolion
- plant
- marchogion profiadol
- marchogion amhrofiadol

Asesu'r agweddau canlynol ar addasrwydd cleientiaid:

- gwisg
- oed
- pwysau
- profiad
- anghenion penodol eraill e.e. cyflyrau meddygol

Paratoi i arwain taith geffylau

Datblygwyd gan

Lantra

Dyddiad cymeradwyo

31 Ion 2017

Dyddiad Adolygu Dangosol

31 Ion 2021

Dilysrwydd

Ar hyn o bryd

Statws

Gwreiddiol

Sefydliad cychwynnol

Lantra

RCU gwreiddiol

LANEq326

Galwedigaethau perthnasol

Goruchwylydd Ceffylau

Cyfes/Set

Ceffylau

Geiriau Allweddol

ceffylau; ceffyl; taith; arweinydd
